







HARVARD-YENCHING LIBRARY  
HARVARD UNIVERSITY  
2 DIVINITY AVENUE

Loan from Countway Lib.

OCT 31 1988

赤水玄珠第十六卷目錄

霍亂門 轉筋 中惡客忤

欬逆 噫氣 下氣 漏氣

嘈雜門

眩暈門

瘡門

痘證門

厥門

吐門



赤水玄珠第十六卷

霍亂門

新安生生子孫一



霍亂者揮癘撩亂其勢急暴有似鬼祟實非邪也  
乃內有所傷外有所感陰陽乖隔而成此前人  
格論

內經曰歲土不及風乃大行民病飧泄霍亂體重  
腹痛筋骨搖併蓋言木乘土而為病也夫霍亂  
者揮霍撩亂也其症心腹卒痛嘔吐下痢發熱

增寒頭痛眩運或吐而不瀉或瀉而不吐或吐瀉並作夫邪在上焦則先心痛而吐邪在中焦則先腹痛而瀉邪客上中二焦則吐瀉俱作甚則轉筋入腹則斃蓋陰陽反戾清濁相干陽氣暴升陰氣頓墜陰陽痞隔上下奔逆治之惟宜溫煖更詳別三因以調之外因諸風則惡風有汗傷寒則惡寒無汗冒濕則重著傷暑則煩熱又有內因九氣所致鬱聚痰飲痞隔不通遂致滿悶隨其勝復必作吐利或諸飽食膾炙恣飡乳酪寒漿旨酒脾胃受傷遂成吐利又有轉筋者蓋陽明胃主養宗筋今暴吐下津液頓忘宗筋失養以致挛轉甚則卵縮舌捲為不治之症又有乾霍亂者上不得吐下不得利壅閉正氣閉格陰陽躁擾喘脹命在須臾若濕霍亂則所傷之物因吐瀉而出吐瀉盡則止故猶可治大抵熱勝痰鬱則悶亂濕勝飲鬱則利下其治濕霍亂宜藿香正氣散加生姜不惟可以溫散風濕抑亦可以調理吐瀉其若傷暑所致者亦不

可遽用香薷沉冷之劑合先用橘皮半夏生姜  
之類開散結滯次則以香薷五苓溫服散暑解  
煩或挾寒而手足厥逆腹中絞痛宜以四逆理  
中之類溫之亦不可遽用峻補壅滯之劑則邪  
愈滋而變症百出治乾霍亂急以鹽湯灌之令  
其大吐庶有可生切不可與穀食恐胃中和物  
吐瀉不盡新穀一入脾不能化轉增危殆慎之  
慎之大槩其脉浮洪者易治若脉微遲加以氣  
少昏沉不語者皆難治也

丹溪曰內有所積外有所感致成吐瀉仍用二陳  
湯加減作吐以提其氣切莫與穀食雖米飲一  
呷入口即死必待吐瀉盡過二三時直至飢甚  
方可與稀粥其脉多伏欲絕又曰雖已吐瀉  
不徹還用吐提其氣或用樟木煎湯吐之  
大法生姜理中湯最好不渴者可用如渴者用  
五苓散亦可下者乾霍亂最難治死在須臾  
升降不通邪無從出當吐提其氣極是良法世  
多用鹽湯為內有食傷外有邪遏故吐之吐中

就有發散之義

轉筋不住男子以手挽其陰女子以手牽其乳近

兩邊此千金妙法也 轉筋入腹者死

脉訣舉要曰滑數為嘔代者霍亂微滑者生瀯數

凶斷又曰滑而不勻必是吐瀉霍亂之候脉代

勿訝

內經曰脉伏者霍亂脉微而澁 或代而散 或

隱而伏 或大而虛 脉右閉滑為霍亂吐瀉

脉結促代皆不可斷以死 脉大者生 脉

洪者為熱 絃者為飲 氣口脉絃滑膈間有

宿食留飲

縮脾飲 解伏熱除煩渴消暑毒止吐瀉宜沉冷

頻服 草果仁四兩 烏梅肉三兩 甘草炙二兩半

每服五錢姜十片水煎服

藿香正氣散 中濕霍亂吐瀉

蒼朮 陳皮 半夏 藿香各二錢 甘草炙一錢

姜五片枣二枚水煎服

桂苓甘露飲 中暑霍亂吐瀉發渴引飲方見中



不換金正氣散 霍亂轉筋嘔吐泄瀉頭疼方見

五苓散 方見暑門

藿苓湯 外感風寒內傷飲食霍亂轉筋吐瀉

藿香 厚朴 白朮 茯苓各一分 錢 甘草五分

大腹皮 紫蘇 白芷 桔梗 半夏 陳皮

錢各一分 肉桂六分 猪苓 澤瀉錢各一分 姜五片水煎服

訶子散 霍亂吐利如神又治心脾冷痛

訶子 甘草 厚朴 乾姜 草果仁 陳皮

良姜 茯苓 神曲 麥芽等分 水煎入鹽服

二香散 暑濕相搏霍亂轉筋煩渴悶亂

藿香 白朮 厚朴 陳皮 茯苓 半夏

白扁豆 紫蘇 桔梗 白芷 香薷 黃連

錢各一分 大腹皮 甘草五分 姜五片 葱白三根 水煎服

加味四君子湯 霍亂轉筋吐瀉腹中痛體重沉

而 人參 白朮 茯苓各二分 甘草炙 芍藥

良姜錢各一分 姜三片 棗二枚 水煎服

通脉四逆湯 霍亂多寒內冷脉絕

吳茱萸兩炒 附子兩炮 桂心 木通 白芍藥

細辛 甘草各五錢 當歸錢三 每服七錢水一鍾

酒半鍾姜七片枣一枚煎七分温服

七氣湯 七氣鬱五臟之間互相刑克陰陽不和

揮霍變亂吐利交作

半夏兩五 厚朴 桂心略三 白芍藥 茯苓略四

紫蘇葉 橘皮各兩二 人參兩一 每七錢水一

盞半酒半盞姜七片枣一枚煎温服

木瓜湯 霍亂吐瀉轉筋攪悶

酸水一 甘草錢二 吳茱萸錢二

每服五六錢姜七片紫蘇十葉水煎服一方無

姜附湯 霍亂轉筋手足厥冷多汗嘔逆方見寒門

加味香薷飲 伏暑吐利不止煩悶多渴

本方加檳榔黃連 每五錢水酒各半煎服

冷香湯 夏秋伏暑引飲過食生冷遂成霍亂

良姜 附子 甘草 檀香各一錢 乾姜錢一 草

藜半一錢 丁香分三 分二服水煎連瓶沉井內待冷服

人參散 霍亂體痛四肢逆冷服理中四順不効者

人參 白芍 川歸炒 良姜各一兩 附子 陳皮

桂心 白木錢各三 每五錢加紅棗三枚水煎服

活命散 霍亂吐瀉不止面色青黑垂死者

防風 羌活 獨活 乾姜 細辛各一分 草豆

菟 肉豆蔻 川芎錢各五 官桂半 吳茱萸 木

瓜兩各一 每三錢濃煎木瓜湯調服

回生散 霍亂不已吐利不止但有一點胃氣存

無不効者 陳皮 藿香葉錢各五 水煎或為末

熱酒調服

秘方 霍亂吐利轉筋神効

曰扁豆葉根 研取汁一碗入米醋同服立瘥

加減理中湯 霍亂嘔吐

白朮 人參 乾姜錢各三 甘草錢一 水煎服

若為寒氣濕氣所干者加附子一錢名附子

理中湯 若霍亂吐瀉加陳皮青皮錢各一 名

治中湯 若乾霍亂心腹作痛先以鹽湯少

許頻服俟吐出令透即進此藥 若嘔吐者

加丁香半夏各一錢姜十片同煎 泄瀉者

加橘紅茯苓各一錢名補中湯 瀉瀉不已

於補中湯內加附子二錢不喜飲食及米穀  
不化再加砂仁一錢 霍亂吐下心腹作痛  
手足逆冷于本方內去白朮加熟附子名為  
四順湯 傷寒結胸先以桔梗枳殼等分煎  
服不效者及諸吐利後胃痞欲絕心膈高起  
脹痛手不可近者加枳實茯苓各一錢名枳  
實理中湯 若渴者再于枳實理中湯內加  
瓜蒌根一錢 霍亂轉筋者理中湯內加火  
煨石膏一錢 若臍上築者乃腎間動氣也  
去朮加官桂一錢半腎惡燥去朮恐作奔豚  
也故加桂取辛以潤之 若悸者加茯苓一  
渴欲飲水者加白朮五分 腹滿者去白朮  
加附子一錢 若寒者再加乾姜一錢 飲  
酒過多及啖炮炙熱物發為鼻衄者加川芎  
一錢 傷胃吐血以此藥能理中脘分利陰  
陽安定血脈只用本方

三因白朮散 中暑嘔吐眩暈及大病後調理失  
宜勞復及脾胃虛損面色青黃飲食不思口吐

酸水滑泄腹鳴飲食所傷霍亂吐瀉並宜服之

白芷 甘草炙 青皮 白茯苓 桔梗 香附

子 山藥各三錢 乾姜五錢 白朮 陳皮各一兩

每一兩姜三片枣一枚木瓜一片紫蘇三葉

水煎服 若吐瀉加白梅煎 喘加桑白皮

杏仁 傷寒勞復加薄荷 膈氣加木通入

射香少許 中暑嘔逆加香薷 霍亂加藿

香 產後泄瀉加荆芥 氣厥加鹽煎服

調中白朮散 大病後吐瀉煩渴霍亂虛損氣弱

及酒毒嘔噦 白朮 茯苓 人參各五錢 藿香

五錢 甘草炙一兩 木香一錢 葛根 為末白湯調服

二錢 煩渴加滑石二兩甚者加姜汁

經驗方人參散 止吐逆及瀉後煩渴常服調中

和氣 人參 茯苓各五錢 葛根一兩 藿香 木香

甘草炙各一錢 分三帖水煎服 瀉後渴甚者

加滑石一錢

止渴湯 霍亂煩渴

甘草炙 人參 麥冬 茯苓 桔梗 瓜蒌根

澤瀉

葛根

錢各五

右末蜜湯調下二錢

姜鹽飲

霍亂欲吐不吐欲瀉不瀉

鹽

一兩

生姜

五錢搗碎

同炒令色變以水一碗煎

熱溫服甚者加童便一盞

蓼湯

霍亂轉筋不止

蓼一大握水煎湯薰洗或以帛蘸湯慰患處

一方每遇轉筋時即以鹽搯擦痛處三五十匝

即雖皮破亦不妨可以斷根

灸法 霍亂已死腹中尚暖猶未絕氣者

用鹽納臍中令滿大艾炷灸三五七壯甦

麥冬湯 霍亂已愈煩熱多渴小水不利

麥門冬

茯苓

半夏

陳皮

白朮

各一錢半

人參

小麥

甘草

各一錢

生姜五片烏梅半箇

煎服

青金丹 霍亂吐瀉不止及轉筋諸藥不効者

硫黃

一兩

水銀

八錢

右二味銚子內炒柳木篦

子不住手撓勻更以柳枝蘸冷醋頻洒候結

如鐵色即成青金丹乃刮下再研如粉留小

半為散餘以粽子尖三箇醋約半盞研稀稠  
得所成膏丸如雞豆子大硃砂為衣每服一  
丸煎丁香湯磨化下熱服如作散服以丁香  
湯調下一錢傷寒陰陽乘伏用龍腦冷水磨  
下一日二三服

海藏云吐瀉轉筋身熱脉長陽明本病也宜和中  
四君子湯平胃散建中湯 每一兩姜五片水  
煎服如吐瀉轉筋自汗脉浮者四君子湯加桂  
五錢 吐瀉轉筋脇下痛脉絃者宜建中加木  
瓜柴胡湯平胃散加木瓜五錢亦可也

### 建中木瓜柴胡湯

桂枝半二兩芍藥兩三甘草兩一膠飴糖斤半生姜半一兩

大棗枚六木瓜錢五柴胡錢五每一兩水煎臨服

加飴糖兩匙 吐瀉後小便不通胸中實痛者

四君子湯加大黃兩一 吐瀉腹中痛轉筋體重

脉沉而細者宜四君子加高良姜白芍藥四君

子四味各一兩芍藥良姜各五錢同煎法服

吐瀉霍亂四肢拘急脉沉而遲者宜四君子湯

加姜附厚朴湯四君子四味各一兩生姜附子  
厚朴三炮製各錢同煎服 吐瀉轉筋四肢厥冷  
服微緩者宜建中加附子當歸湯

桂枝一兩當歸二錢芍藥二兩粉草五錢飴糖半斤生姜一兩

附子三炮大束六枚同煎服 吐後轉筋木

瓜一味煎服良

轉筋

尋常轉筋四時皆有不因霍亂而發者其發多于  
睡中或伸欠而作 一熱以四物

湯加蒼朮紅花酒芩南星水煎服

有筋轉于足大指轉上至大腿近腰結了乃因奉

養過厚飲冷感寒而作寒過其熱寒主收引勁

急故筋轉而疼也前方加姜汁臨時服之

足太陽之下血氣皆少則善轉筋踵下痛

卅溪曰轉筋徧身入肚不忍者作極鹹鹽湯于槽

中暖浸之 礬湯亦妙 蓼湯亦好

仲景云轉筋之為病其臂脚直脉上下行微弦轉

筋入腹者雞屎白散主之



雞屎白炒為末取方寸七以水六合和溫服

駉惠方 肝虛轉筋用赤蓼莖葉切作三合

盞酒三合煎四合分二服

孫尚藥 脚轉筋疼痛掣急

松節二兩剉如米粒乳香一錢以瓦器內慢火炒令焦只留一分出火毒為末每一錢至二錢熟木瓜酒調下但是筋病疼痛皆妙不獨轉筋而已

外臺治轉筋取舊綿以醎醋浸甌中蒸及熟用綿

裹患脚上冷則易勿傷皮以瘡為止

秘方 脚轉筋無時甚好

雄猪陰莖一條全者薄切香油煎熟細嚼鹽酒送下空心服連進三朝奇驗

中惡客忤門

中惡客忤者無故忽然而病倒者是也多受于道途及早晚門外忽得之卒受非節之氣令人心腹絞痛脹滿叫喚氣冲心脅不急治則死磨好真烟墨一盞熱湯解服之又有鹽湯探吐亦好

卒死鬼擊或先病因睡卧間忽然而絕此皆是中惡之候若脉氣應指心頭仍暖者搗石菖蒲灌之立甦如口噤須灌從鼻入

中惡暴死 石菖蒲為末每用五分安舌底又吹入兩耳及鼻中則甦

中惡入心須死

阿魏末鹽酒調下一錢半連進二服効

中惡吐血 生桔梗取汁每服一鍾日三無生者以乾者為末仍以桔梗湯調下

中惡客忤

蘇合香羌姜湯調下妙

欬逆門

內經曰歲金太過欬逆金鬱之發欬逆少陰二氣欬逆古謂之飢逆氣上逆作聲之名也經曰諸逆衝上皆屬于火是心火刑于肺金也易老曰欬逆者火熱奔急上行而肺金不納何其當哉俗以為噦者非蓋噦者出聲也噦出其氣噦聲盡然後呼也出入呼吸大有不同况噦者本于胃欬逆者本于肺又豈可例論哉然是症或由

水漬于肺而心痞或喜笑過多而氣噎或噤飲  
錯喉而氣噎或急食乾物而氣塞皆令作欬逆  
之聲連續不絕俗謂吃忒是也人或以紙撚取  
鼻嚏而止或寃以盜賊因恐而止或鼻熱聞食  
香調氣而止皆抑之駭之而使氣下也又有胃  
氣寒而呃元禮戴氏以雜病發呃者皆屬寒惟  
有傷寒發呃屬熱蓋由陽明內實過經失下清  
濁不得升降以致氣不宣通而作或又有飲食  
填塞胃中而氣不得升降者或有痰閉于上火

起于下而氣不得伸越者又有吐利後胃虛膈  
熱而作呃者又有氣血虛作呃者不可以不辨  
傷寒陽症欬逆者蓋由陰消將盡陽火暴甚直冲  
而上出于胃入於肺而作聲所以東垣用涼藥  
以瀉熱降火其陰症欬逆者蓋以陰氣先消陽  
火將竭浮于胃中亦欲散也故反用丁香乾姜  
之屬以養胃中陽氣胃氣一和陽生則陰長也  
丹溪云傷寒發呃亦有四症不同有中氣不足脉  
虛微氣不相續而發呃者宜補中益氣湯加生

脉散加黃栢以降虛火或少加附子服之立愈  
○有陽明內實失下而發呃宜大承氣湯下之  
○有渴而飲水太過成水結胃而發呃者宜小  
陷胃湯或小青龍湯去麻黃加附子治水寒相  
搏發呃者妙○有傳經傷寒熱症誤用姜桂熱  
藥助起火邪痰火相搏而為呃者宜用黃連解  
毒白虎湯及竹瀝之類○大凡食呃便秘者大  
承氣下之便軟者瀉心湯主之○久病虛者見  
此症最危○心法云欬逆有痰有氣虛有陰火

視其有餘不足治之其詳在格致餘論不足者  
人參白虎下大補丸○有餘并有痰者吐之人  
參蘆之類○痰碍氣而吃逆者用蜜水吐此乃  
燥痰不能出○痰者以陳皮半夏○氣虛人參  
白朮○陰火黃連黃栢滑石○欬逆自痢者活  
石甘草炒黃栢白芍藥人參白朮陳皮加竹瀝  
服

戴元禮云欬逆因痰與熱及胃火者極多  
橘皮竹茹湯 胃熱多渴噦飢不進飲食

赤茯苓 陳皮 枇杷葉 麥門冬 竹茹

半夏各二錢五分 甘草各二錢 人參二錢 分二服每服

姜七片水煎一方只用人參陳皮甘草竹茹

小柴胡湯 加姜三片柿蒂三枚輕服治同上

橘皮乾姜湯 胃寒欬逆

陳皮 通草 乾姜 桂心 人參 甘草各等

分水煎

丁香柿蒂散 病後胃中虛寒欬逆至八九聲相

連收氣不回者難治

人參 茯苓 陳皮 半夏 良姜炒 丁香

柿蒂各一兩 生薑一兩 甘草五錢 水煎服調蘇合

香丸服尤妙一方只用良姜丁香柿蒂甘草

四味水煎服

柿蒂湯 胃滿欬逆不止

柿蒂 丁香各三錢 一方加入參姜五片水煎服

皂莢半夏湯 治欬逆欲死

半夏一兩 皂莢八錢 為末煉蜜丸梧子大

每三九東湯吞日三服夜一服

羌活附子湯 吐痢後胃寒欬逆

羌活 附子炮去皮 茴香炒 乾姜炮 丁香

各一兩 每二三錢水一鍾鹽少許煎之分服

灸欬逆法 乳下一指許與乳相直骨間陷處婦

人三壯男左女右只灸一處火至則瘥不瘥即

不治又云其穴只當取乳下骨間動脈處是

無病偶然致飢此緣逆氣而生宜小半夏茯苓湯

加枳實半夏湯或用煎湯泡蘿蔔子研取汁調

木香調氣散乘熱服之佳

人參白朮湯

人參 黃芩 柴胡 乾姜 甘草 炙 梔子仁

錢各五 白朮 防風 半夏炮 五味子 每服

五六錢加姜五片水煎服

宣明桂苓白朮散 消痰止欬逆散痞塞開堅結

痛悶進飲食和臟腑

乾生姜 官桂錢各半 茯苓 半夏各一兩 白朮

橘紅 澤瀉錢各五 右末麵糊丸小豆大姜湯下

三十九日三服一方加黃連半兩黃栢二兩

水丸効尤速

噫門 俗作噯氣

靈樞曰寒氣客于胃厥逆從下上散復出于胃故為噫又口心為噫胃為噦釋之者曰神不守心故噫胃精內竭故噦傷寒書上焦不至其部故為噫中焦不至其部故為噦什之曰上焦竭善噫以上焦受中焦氣中焦不和不能消穀故令噫又曰緩者胃氣有餘噫而吞酸此言有餘者謂胃中有穀物未消故使噫而吞酸由此觀之

一由于胃寒一由于胃有宿食然亦有胃火衝逆而致者也有陰虛火因上炎而致者難以槩論也治法寒者溫之熱者涼之中焦未和者則消導以通之至于病久虛憊而噫則為神不守心而為死症矣

噫與欬逆不同噫乃出氣欬逆則為入氣然治法胃寒亦宜橘皮乾姜湯胃熱宜橘皮竹茹湯中焦未和而熱壅鬱或以調胃承氣下之或以加減平胃散以消之陰虛宜以四物湯或芎歸湯

加知母甘草以滋之

靈樞註云噫象火烟隨焰出心不受邪故噫出之

宜甘草瀉心湯以生姜易乾姜若有微熱時噫

者小柴胡湯

二陽一陰發病主驚駭背痛善噫欠也

仲景旋覆代赭湯 治痞而噫

本事方枳殼散 心下蓄積痞悶或作痛多噫敗

卵氣 枳殼 白朮 各五錢 香附 一兩 檳榔 二錢

為末每二錢米飲調下日三服

丹溪云噫氣胃中有痰有火

又云曾治宣州一人氣上築心膈噫氣脉之右

關短弱左關尺洪長而大數此肝有熱宜瀉肝

補脾 青皮 一錢 白朮 二錢五分 木通 甘草 二分

水煎下保和丸十五粒抑青丸二十粒

清胃中痰火 鬱熱暖氣

南星製半夏 各一兩半 軟石膏 香附 各一兩 山梔子

七錢 每八錢水煎服

下氣門



下氣屬心虛經云夏脉者心也心脉下下為氣泄者是也

河間云腸胃鬱結穀氣內發而不能宣通于腸胃之外故善噫而或下氣也

診論云顛癇癆瘵若氣下泄不止者必死此真氣竭絕腸胃腠理閉塞穀氣不能宣通于腸胃之外故從腸胃中泄出也

漏氣走哺門

病者身背皆熱肘臂攣痛其氣不續膈間厭悶食

入則先吐而後下名曰漏氣此由上焦傷風開其腠理經氣失道邪氣內著麥冬湯主之

麥門冬 生蘆根 竹茹 白朮 人參 其

草 茯苓 陳皮 萎蕤

走哺病者下焦實熱大小便不通氣逆不續嘔逆不禁名走哺人參湯主之

人參湯即前方加知母石膏黃芩

嘈雜門

生生子曰內經云胃為水穀之海無物不受若夫

濕麵魚腥水果生冷以及烹飪粘滑難化等物  
恣食無節脾氣受傷失其健運之常清痰稠飲  
由此而生嘈雜由此而作也夫嘈雜之為症似  
飢不飢似痛不痛而有懊惱不自寧之態是也  
或兼暖氣痞滿惡心漸至胃脘作痛數者多挾  
痰火故丹溪云嘈雜是痰因火動治法宜以南  
星半夏橘紅之類以消其痰芩連知母石膏梔  
子之類以降其火蒼朮白朮芍藥之類以健脾  
行濕之藥藟者梔子姜炒黃連山查之類也

濕熱鬱滯不喜食者宜三補丸加蒼朮倍香  
蔣氏云心嘈索食白朮黃連陳皮作丸白湯下  
七八十丸數服而愈要在臨症加減

### 脈法

右寸脈緊而滑兩寸弦滑胸中有留飲寸脈  
橫者膈上有橫積也右關弦急甚者為木乘  
土位欲作胃反難治

嘈雜亦有中氣不足者以六君子湯加竹茹黃連  
三補丸

黃芩 黃連 黃柏等分 蒸餅糊丸服

二聖丸

白朮四兩 黃連四錢 陳皮一兩 神麴糊丸姜湯下

右關脉沉嘈雜 二陳湯加藿香 若吐而有

物有声者加砂仁 有声無物加姜炒黃連

眩暈門

丹溪曰眩言其黑暈言其轉

林氏曰眩者玄也謂忽然眼見黑花昏亂少頃方

定暈者運也謂頭目若坐舟車而旋轉運也甚

有至于卒倒而不知者

丹溪又曰此症屬痰者多蓋無痰不能作眩雖因

于風亦必有痰痰在上火在下火炎上而動其

痰則作眩也治宜二陳湯加黃芩蒼朮羌活挾

氣虛者亦治痰為主兼補氣降火如東垣白朮

半夏天麻湯之類傷濕者降濕湯加川芎左脉

數熱多脉澁有死血右脉實有痰積脉大久病

眩運不可當者以大黃酒炒為末茶湯調下甚

効○戴云有因虛致暈雖暈然醒時面常欲得

熱手按之。蓋頭者乃諸陽之會。陽氣不足故耳。有頭眩而耳中常鳴。頭上如鳥雀啾啾之聲。切不可全謂耳鳴為虛。此頭腦挾風所為也。○原病式曰。諸風掉眩皆屬肝木。風主動故也。所謂風氣甚而頭目眩暈者。由金虛不能制木而復生火。風火皆屬陽。陽主動。兩動相搏則為之旋轉也。成無已曰。傷寒頭暈與眩冒者皆發汗吐下後所致。由陽虛也。○嚴用和曰。眩暈之症。經云皆屬于肝。風上攻。然體虛之人。外感六

內傷七情皆能眩暈。當以脈証別之。風則脈浮。有汗項強不仁。寒則脈緊無汗。筋掣痛。暑則脈虛煩悶。濕則脈沉重則吐逆。及其七情所感。遂使臟氣不平。鬱而生涎。結而為飲。隨氣上逆。令人眩暈。眉稜骨痛。眼不可開。寸脈多沉。此為異耳。若疲勞過度。下虛上實。金瘡吐血。便利及婦人崩傷。產後去血過多。皆令人眩暈。當隨其因治之。○張子和曰。頭風眩暈。手足麻痺。胃腕發痛。皆風寒暑濕之氣雜至。合而為痺也。在上

為之停飲可用獨聖散吐之吐後服清上辛涼  
之藥○劉宗厚曰眩暈一証人皆稱為上盛下  
虛所致而不明言其所以然之故所謂虛者血  
與氣也所謂實者痰涎風火也原病之由有氣  
虛者乃清氣不能上升或多汗亡陽當升陽補  
氣有血虛者乃因亡血過多陽無所附當益陰  
補血此皆不足之症也有因痰涎鬱遏者宜導  
痰開鬱重則吐下有因風火所動者宜清上降  
火又有外感而得者嚴氏雖分四氣之異皆當  
散邪為主此皆有餘之症也世所謂氣鬱  
而用丹藥鎮墜沉香降氣之法蓋香竄散氣丹  
藥助火其不歸之氣豈能因此而復耶內經所  
謂治病必求其本氣之不歸求其本而用藥則  
善矣○林氏曰淫慾過度腎家不能納氣歸元  
使清氣逆奔而上此眩暈出于氣虛也吐衄崩  
漏肝家不能收攝榮氣使諸血失道妄行此眩  
暈生于血虛也氣虛者宜益氣補腎湯血虛者  
宜補肝養榮湯若專用溫熱鎮墜丹藥多致飛

越之元其害有不可勝言者矣

生生子曰按劉林二公慎丹劑戒燥熱俱為保金水二臟真陰而言也木之有餘則挾火勢而侮肺金金受火侮津液枯涸降令不行生化之源絕矣况斷喪枯燥之腎曷能為其母復仇耶由是假藥餌以相濟也既知其腎虛不能納氣歸元矣寧復更以燥熱傷其母可乎都緣滯于溫補下元之說不體認夫真陰真陽之虛實以故相循習俗而為流弊也凡物各有屬也肺出氣

腎納氣今氣不歸元是腎之真陰不足當益腎陰以全其職可也腎雖屬陰臟而用藥亦自有氣血之分焉氣虛則用補骨脂杜仲兔絲子之類如安腎丸之謂也若血虛則以山藥山茱萸熟地黃之類如六味地黃丸之謂也氣是無形者至清所以能走空竅而施精明非有形之丹石所能鎮墜二公辨之允矣或曰經云形不足者溫之以氣精不足者補之以味吾子以溫補為謬可乎予曰前人已註之矣溫是溫存之溫

非專指溫暖之藥而言也。味是味之厚者，乃陰中之至陰，本乎天造，非偏厚出于人為之味也。是皆不以溫熱為補明矣。前証若果屬腎虛木旺火亢金衰，則當從東方實、西方虛、瀉南方補、北方之治，則其氣自平，而無偏倚之患也矣。眩暈一証，前賢著述，病因方藥，可謂周且備矣。原其著述，各有所發明也。劉河間之肝木蕪于風火之化，成無己之傷寒引汗吐下後之虛，嚴用和之四氣七情，張子和之停飲吐法，朱丹溪之

痰火濕熱氣虛血虛死血久病戴氏之陽虛劉宗厚林億公之陰虛戒溫熱香竈之丹劑各剖其衷，製方立論，誠後學之寶鑑。一展視之，毫髮畢覩，原其設意，蓋以人之司命為重，故不以研心為勞也。庸是窮究精微，不為成說所縛，補前人所未盡，開來學之蒙蔽，得非仁人之心，其心歟。今之醫者，每每檢方治疾，至于經旨病機，全不攷究，甚至有得一僥倖之方，就以足為世世傳家至寶，不妄泄人噫，何其鄙哉。方前諸君子

吐心露膽者為何如人耶聖人未嘗以聖自期也蓋以其有公天下之心立德不衰而後人稱之也賢人未嘗以賢自待也蓋以其有同天下之志繼聖不怠而後人誦之也後之視今亦猶今之視古也學者能不以聖賢之心為心焉  
鈎藤散 肝厥頭暈清目

鈎藤 陳皮 半夏 麥冬 茯苓 石膏  
人參 甘菊 防風 各五錢 甘草 半錢  
每服四錢姜七片水煎溫服

肝厥狀如癇疾不醒嘔吐醒後頭虛暈發熱

麻黃 鈎藤 取皮 石膏 乾姜 半夏曲

柴胡 甘草 枳殼 甘菊

每四錢姜三片棗一枚水煎溫服

婦人患頭風眩者十居其半每發必掉眩如在車上蓋因血虛肝有風熱故耳余嘗取此方以授人比他藥捷而効速名曰芎藭散

川芎 一兩 川歸 三兩 羌活 旋復花 蔓荊子  
細辛 石膏 藁本 荆芥穗 半夏曲 炒



防風 熟地 甘草 各半

每五錢姜三片水煎温服

天麻半夏湯 風痰内作胸膈不利頭旋眼黑兀

兀欲吐上熱下寒不得安卧

天麻 半夏 錢各一 橘紅 柴胡 各七 酒苓

前胡 甘草 錢各一 白茯苓 錢各五 黃連 錢三

姜三片水煎食後温服忌生冷酒麵

益氣補腎湯 淫慾過度腎家不能納氣歸元便

諸氣逆奔而上此眩暈出于氣虛也

人參 黃芪 錢二分 白朮 錢二 山藥

黃芩 錢各半 白茯苓 錢一 甘草 錢五 東二枚水煎服

補肝養榮湯 吐衄崩漏肝家不能收攝榮氣使

諸血失道妄行此眩暈生于血虛也

當歸 川芎 錢各二 芍藥 熟地 陳皮 錢各半

甘菊 錢一 甘草 錢五分 水煎食前服 若腎虛氣不

降者去菊花入前補腎湯

清眩化痰湯 痰火上攻作眩及氣不降胸滿者

川芎 酒苓 錢各半 天麻 錢一 半夏 錢二 白茯苓

橘紅各一分

桔梗

枳殼各一錢

甘草四分

痰結眩暈甚者加南星旋覆花各一錢

六合湯 風虛頭暈及血虛或去血過多

當歸 川芎各二錢 白芍藥

熟地各一錢半 秦艽一錢

羌活七分 水煎食遠服

川芎散 勞倦後身體發熱眩暈神魂不安

山茱萸兩 山藥 甘菊花 人參 茯苓

小川芎各半兩 右末每服二錢酒調下

安腎丸 腎虛頭眩牙齒疼痛腰痛

破故紙炒 胡芦巴炒 茴香炒 川練炒 續斷炒各三兩

桃仁炒 杏仁炒 酪各一兩 山茱萸 茯苓各一兩半

右末蜜丸梧子大空心鹽湯下五十丸

六味地黃丸 見虛損門

加味參夏湯 七情相干眩暈欲倒者

人參 半夏各一兩半 肉桂一兩 甘草炙五錢 乳香三錢

每五錢姜五片水煎服 又治七情之氣鬱

於心腹痛不可忍脉沉遲一服立効

枯礬散 治痰暈

枯礬為末姜湯調下一錢吐之立愈

清上丸 安神治痰火眩暈

石菖蒲 酸枣仁 膽星 茯苓 黃連 半

夏 神曲 橘紅各一兩 姜蚕 青代 木香各五

錢 柴胡七錢半 竹瀝打糊為丸食後茶下一

錢五分

瘖門

瘖者邪入陰部也經云邪搏陰則為瘖然有二症

一曰舌瘖乃中風舌不轉運之類是也 一曰喉

瘖乃勞嗽失音之類是也蓋舌瘖但舌本不能

轉運言語而咽喉音聲則如故也喉瘖但喉中

聲嘶而舌本則能轉運言語也

痰涎乘虛閉塞舌本之脉道令人瘖

丹溪謂一人年三十五連日勞倦發嗽發瘖醫

與瘖藥三發後變為發熱舌短言語不辯喉間

痰吼有聲脉洪數似滑遂以獨參湯加竹瀝兩

蚶殼許兩服後吐膠痰三塊舌本正而言可辯

餘症未退遂煎人參黃芪湯服半月而諸症皆

退粥食調補兩月方能起

一中年舌短言語不辯始傷寒身熱師與傷寒藥  
五帖後變神昏而瘖遂作體虛有痰治以人參  
五錢黃芪當歸白朮陳皮各一錢煎湯入竹瀝  
姜汁飲之十二日其舌始能語得一字又服之  
半月舌漸能轉運言語熱除而瘖

足少陰脉挾舌本足太陰之脉連舌本手少陰別  
繫舌本若此三脉虛則痰涎乘虛而閉塞其脉  
道故舌不能轉運言語也若此三脉亡血則舌

### 無血營養而瘖

經云刺舌下中脉太過血出不止為瘖治當補氣  
血

一男子年五十餘嗜酒吐血補許後不食舌不能  
語但渴飲水脉畧數與四物各一兩參朮各二  
兩陳皮一兩半甘草二錢入竹瀝童便姜汁至  
二十餘帖乃能言凡此三脉風熱中之則其脉  
弛縱故舌亦弛縱不能轉運而瘖風寒客之則  
其脉縮急故舌強舌卷而瘖治在中風半身不

收求之也

脉要精微篇岐伯謂心脉搏堅而長當病舌轉不能言

丹溪治俞繼道遺精誤服參芪及升浮劑遂氣壅于上焦而音聲不出用童便浸香附為末調服而踈通上焦以治瘖又用蛤粉青黛為君黃柏知母香附佐之為丸而填補下焦以治遺十餘日良愈 本草云童便主久嗽失音故治音多

用之由其能降火故也

出音声方

訶子炮去核木通各一兩甘草半兩用水三升煎一升半入生姜地黄汁一合再煎數沸放溫分六服食後日三服 訶子治逆氣破結氣木通利九竅治肺癆甚當

訶子湯 治失音不能言語

訶子 四兩半 生 桔梗 一兩半 生 甘草 二寸半 炙

右末每服二錢童便一盞水一盞煎至七沸

溫服甚者不過三服愈 桔梗通利肺氣訶子泄肺導氣童便降火

甚速

又方 桔梗兩三 大訶子箇四 甘草兩二 每服

三四錢水煎入砂糖一小塊不入童便時時

細呷一日服盡其効甚速

發声散 治咽喉語声不出

括萎皮 白姜蚕頭去 甘草 俱炒黃等分為

末每温酒調下三錢或生姜自然汁調下用

五分綿裹噙化咽津亦可日二三次不拘時

肘後方 咽喉卒失音不出

陳皮兩五 水三升者取一升服

玉粉丸 冬月寒痰結在咽喉語声不出

半夏炮五 草烏炒二分 桂二分 為末生姜汁浸

証餅糊為丸雞豆大每夜噙化一九多年不

愈皆効 黃帝針經中說寒氣客于會厭卒

然而啞此藥主之

蛤蚧丸治肺間邪氣胸中積血作痛失音并治久

欬失音 蛤蚧一對去背定温水浸去 訶子煨

阿膠炒 生地 麥門冬 北細辛 甘草各

為末蜜丸東子大每食後噙化一九

千金方 暴失音語聲不出

杏仁泥 姜汁 砂糖 白蜜各二升 五味子

紫苑各三兩 通草 貝母各四兩 桑白皮五兩

右水九升煮五味紫苑通草貝母桑皮取三

升去渣納杏仁泥姜汁蜜糖微火攪煎取四

升初服三合日再服一合後稍加

通声膏 五味子 款冬花 通草各三兩 人參

石菖蒲 細辛 桂心 竹茹各二兩 杏仁一升

白蜜一斤 東膏 姜汁一升 酥五升

水五升微火煎三上三下去渣納姜汁東膏

酥蜜煎令調和酒服如東六二丸

丹溪治欬嗽聲嘶者此血虛受熱也用青代蛤粉

蜜調服之

濟世方 治失音及咯血

槐花瓦上炒香出火毒三更後床上仰臥隨意

吞之

又方 治卒啞

杏仁三去皮尖 桂一分 研如泥和取杏核大綿裹

含細細呷之日五夜三

丹溪治失音以桂末著舌下嚙津妙忌金斗門食

內侍曹都使新造一宅落成入居半月飲酒大醉

卧起失音不能語召孫至診曰因新宅故得此

疾耳半月當愈但服補心氣薯蕷丸治濕用川

芩細辛又十日其病漸減二十日全愈曹既安見

上問誰治曰孫北郎中上乃召問曰曹何疾也

對曰凡新宅壁上皆濕地亦陰多人乍來陰氣

未散曹心氣素虛飲酒至醉毛竅皆開陰濕之

氣乘虛而客心經所以不能語臣先用薯蕷丸

使心氣壯熱然後以川芩細辛去其濕所以能

靈樞經黃帝問于少師曰人之卒然憂恚而言無

音者何道之塞何氣出行使音不彰願聞其方

少師曰咽喉者水穀之道路也喉嚨者氣之所

以上下者也會厭者聲音之戶也口唇者聲音

之扇也舌者音聲之机也懸雍垂者音聲之關

也頰頰者分氣之所泄也橫骨者神氣所使主

發舌者也故人之鼻洞涕出不收者頰頰不開



分氣失也是故厭小而疾薄則發氣疾其開闔  
利其出氣易其厭大而厚則開闔難其氣出遲  
故重言也人卒然無音者寒氣客于厭不能發  
發不能下至其開闔不至故無音黃帝曰刺之  
柰何岐伯曰足之少陰上繫于舌絡于橫骨終  
于會厭兩瀉其血脉濁氣乃辟會厭之脉上絡  
任脉取之天突其厭乃發也

胎前產後瘖

素問黃帝曰人有重才九月而瘖此為何也

曰胞之絡脉絕也帝曰何以言之岐伯曰胞絡  
者繫于腎少陰之脉貫腎係舌本故不能言帝  
曰治之柰何岐伯曰無治也當十月復

郭氏論產後不語者何荅曰人身有七孔三毛產  
後虛弱多致停積敗血閉于心竅神志不能明  
了心氣通于舌心氣閉塞則舌亦強矣故令不  
語但服七珍散

七珍散 產後敗血閉塞心竅令人不語

人參 石菖蒲 生地 川芎 各一 細辛

防風 辰砂另研各為末每服一錢薄荷湯

調下

胡氏孤鳳丹 產後閉目不語

白礬研末每一錢熱水調服

### 疸門

夫疸者謂濕與熱鬱蒸于脾面目肢體為之發黃是也。疸之名有五。一曰黃汗者身體俱腫汗出不渴其汗能染衣黃如檉汁此由脾胃有熱汗出為風所閉熱結于中其汗黃也。二曰黃疸食已即飢遍身俱黃但欲卧小便澀黃增寒壯熱

此酒麴燻炙蘊熱痰滯而得也。三曰穀疸食畢即頭眩心中怫鬱不安遍身發黃此脾胃有熱因大飢過食有傷胃氣所致也。四曰酒疸身目俱黃心中懊痛足脛滿小便黃面發赤班此由飢中飲酒大醉當風入水所致也。五曰女勞疸大勞淫慾大熱交接衽席未幾遽就浴室以致發熱惡寒小腹滿急而身目俱黃也。五者之証雖不同而其為黃則一也。原其所自未有不由濕熱而致者也。濕也熱也而豈無輕重之別乎。

濕氣勝則如薰黃而晦、熱氣勝則如橘黃而明。蓋脾主肌肉，土色本黃，濕熱內蒸，或重或輕，自然見于外矣。自其濕熱痰而傷血，此又為血症。發黃何以明之？疸症之黃，小便不利，血症之黃，小便自利。夫脾受濕熱，鬱而不行，亦多有腹脹之疾。治法大要，疎導濕熱于大小便之中。如茵陳、五苓、黃連、三黃之劑，皆要藥也。然又單陽無陰，病熱已極，疸而不渴，猶為可療；疸而復渴，加之腹膨，則為難治矣。甚者寸口無脈，鼻出冷氣。

與夫形如烟薰、搖頭直視、為心絕、環口、蠶黑、柔汗、發黃、為脾絕。雖遇盧扁，亦將不救。孰謂黑疸其可療乎。

加減五苓散 飲食伏暑鬱發為疸，煩渴引飲，小便不利。

茵陳 猪苓 白朮 赤茯苓 澤瀉 各二錢

水煎食前服 一方有桂心七分

葛根 豈鼓湯 治酒疸

葛根 錢三 山梔仁 枳實 炒 豈鼓 各二錢

炙甘草 錢一 水煎服

秦光飲子 五疸口乾發熱微寒

秦光 當歸 芍藥 白朮 官桂 熟地黃

茯苓 陳皮 小草 川芎 半夏 甘草

錢一 加姜五片水煎服

山茵陳湯 疸症發熱大小便秘澀

山茵陳 梔子 赤茯苓 枳實 錢各半 葶藶

甘草 錢各一 姜二片水煎服

加味四君子湯 治色疸

人參 白朮 茯苓 白芍藥 黃芪

豆 二炒錢各 甘草 錢各一 姜五片束二枚水煎服

茵陳湯 時行瘧熱在裏鬱蒸不散通身發黃

茵陳 兩一 梔子仁 半一錢 大黃 錢三 水煎服

當歸白朮湯 酒疸發黃心胸堅滿不進飲食小

便黃赤脉弦濡 當歸 黃芩 茵陳 甘草

錢各一 白朮 錢二 半夏 杏仁 麩炒去尖 枳實 麩炒

前胡 錢各半 茯苓 錢二 姜三片水煎服

白朮湯 酒疸因下後變為黑疸目青面黑心下

如咬蒜齧狀大便黑皮膚不仁脉微而數

白木 桂心各二錢 枳實 豈豉 葛根 杏仁

炒去甘草各一錢 水煎服

桂枝加黃芪湯 黃汗身腫汗出已輒輕久久必

身潤胸中痛腰已下無汗其腰弛痛如有物在

皮中劇者不能飲食煩躁小便不利

桂枝錢二芍藥錢三甘草錢一黃芪錢三姜五片束

三枚水煎服忌生冷

茵陳散 黃疸食已即飢身體面目爪甲牙齒及

身悉黃寒熱或身體多赤多青皆由酒食過

度為風濕肝搏熱氣鬱蒸而成

茵陳 木通 大黃炒梔子各一兩石膏二兩瓜蒌

一箇甘草兩每五錢姜五片葱白一莖煎至

八分服大小便秘加枳實赤茯苓葶藶

又有傷寒瘀血不解鬱于表發為黃疸其脉浮緊

當以汗解獨煎麻黃湯飲之

黃芪湯 黃汗身腫發熱不渴汗出染衣黃色

黃芪炙赤芍 茵陳各二兩石膏四兩麥門冬 淡

豆豉名一兩甘草兩竹葉十四片姜三片水煎服

滑石散 治女勞疸

枯礬錢五滑石半一兩為細末每二錢用大麥粥湯

調服以小便出黃水為度

噉藥瓜蒂散 黃疸遍身如金色累効

瓜蒂錢二毋丁香錢四黍米九四粒赤小豆分五

為末每夜以少許吹兩鼻內噉入便睡明日

取下黃水次服黃連散

黃連散 黃疸大小便秘臟腑壅熱

黃連 大黃醋炒各一兩黃芩 甘草炙各一兩

每服二錢白湯下日三

犀角散 發黃心膈煩躁目赤痛

犀角屑 黃芩 梔子仁 升麻各一兩茵陳

朴硝各二兩每五錢竹葉七片水煎服

紫金丸 脾胃食積結塊令人四肢怠惰身面俱

黃肚腹膨脹俗名黃胖病此藥能理脾胃消積

聚退黃去脹進飲食

針砂銀鍋內醋炒赤色研紫金皮酒浸香附炒京三稜煨

蒼朮米泔炒陳皮 厚朴 砂仁各一兩

麵糊丸 梧子大每三十九 白湯下 或酒 或川椒湯 亦可忌牛肉沙魚等物

大温中丸 食積黃腫病

蒼朮 厚朴 陳皮 二稜 蓬朮 青皮 各五

兩香附 斤一 甘草 兩二 針砂 醋炒紅 兩三

醋糊丸 梧子大每五十九 空心姜湯下 午後

鹽湯下 臨卧酒下

金黃丸 食積酒積 諸積面黃 積塊堅硬 疸症

三稜 黑豆 各二錢 巴豆 四十九粒 去油 為末 黍米粉

香附 兩各半 澤瀉 半一錢 為末 梔子煎湯和丸 菜

豆大每三五丸 食遠白湯下

穀疸丸 專治穀疸

苦參 兩三 龍膽草 兩一 牛膽 兩一

為末 以膽汁入少煉蜜丸 梧子大每五十九

空心滾水 或生姜甘草煎湯下

治黃疸効方

生蘿蔔子 焙為末 白湯調下 日三服 每用二錢

厥證門

脉沉微而不数謂之寒厥沉伏而數謂之熱厥  
內經曰厥之寒熱者何也陽氣衰于下則為寒厥  
陰氣衰于下則為熱厥熱厥之為熱必起于足  
者陽氣起于足五指之表陰脉集于足下而聚  
于足心故陽氣勝則足下熱也寒厥之為寒必  
從五指而上于膝者陰氣起于足五指之裏集  
于膝下而聚于膝上故陰氣勝則從五指至膝  
上寒也寒厥何如而然前陰者宗筋之所聚太  
陰陽明之所合也春夏則陽氣多而陰氣少秋

冬則陰氣盛而陽氣衰此人質壯秋冬多慾而  
奪其精則陽氣日衰不能滲榮其經絡陰氣獨  
在邪氣因從之而上故手足為之寒也熱厥何  
如而然酒氣盛而慄悍酒入于胃則絡脉滿而  
經脉虛脾主為胃行其津液者也陰氣虛則陽  
氣入而胃不和胃不和則精氣竭而不榮其四  
肢此人數醉若飽以入房氣聚于脾中不得散  
酒氣與穀氣相搏熱盛于中故腎氣日衰陽氣  
獨勝熱遍于身內熱而溺赤手足為之熱也此



內經論寒厥為手足寒熱厥為手足熱不專以  
 厥為手足冷矣故以六經厥狀言之太陽之厥  
 腫首頭重足不能行發為<sub>作</sub>陽明之厥顛疾走  
 呼腹滿不得卧面赤而熱妄見妄言少陽之厥  
 頰腫而熱暴聾脇痛胗不可以運太陰之厥腹  
 滿臄脹後不利不欲食食則嘔不得卧少陰之  
 厥口乾溺赤腹滿心痛厥陰之厥少腹腫痛腹  
 脹漉不利好卧屈膝陰囊腫胗內熱此分六經  
 之厥亦不出寒熱一證劉宗厚謂陽證至者

外為癰疾為妄見陰證至為臄脹大小便不利  
 或嘔或心痛之類皆素多痰氣因虛所乘之為  
 病陳無擇謂攷其所因多以不勝乘其所勝氣  
 不得行遂致厥逆如腎移寒于脾則水乘于土  
 水既不行乃成寒厥如心移熱于腎則火乘于  
 水火既不行乃成熱厥六經皆然可次第論也  
 再考張仲景傷寒論陰陽二厥之證則皆指手  
 足逆冷而言不以陽厥為手足熱也原病式謂  
 陰厥者原病脉候皆為陰證身涼不渴脉遲而

微陽脉者原病脉候皆為陽證煩渴譫語身熱  
脉數若陽厥極深或失下變為身冷脉微欲絕  
反見陰證者正為熱極而然若誤作陰證而用  
熱藥治之必死王安道云熱極而成厥逆者陽  
極似陰也寒極而成厥逆者獨陰無陽也陽極  
似陰用寒藥獨陰無陽用熱藥今詳內經所論  
寒熱二厥由腎之精氣內竭而成乃常病虛損  
之證寒厥當補陽熱厥當補陰王冰所謂益火  
之原以消陰翳壯水之主以鎮陽光是也若仲  
景河間安道所論厥證乃傷寒傳變手足厥冷  
者病情不同治法亦異診察之間生死反掌醫  
者當詳究焉

按傷寒陽厥者先自三陽氣分感寒起于頭痛發  
熱惡寒後傳入三陰血分變出四肢厥冷大便  
燥實譫語煩渴揚手擲足不惡寒反怕熱脉沉  
有力等証此因大實失下使血氣壅閉不通故  
手足厥冷其手冷上不過肘足冷上不過膝或  
有時而乍溫是外雖厥冷內實熱邪耳如火煉

金熱極則金反化水所謂亢則害其物承乃制其極也厥微者熱微四逆散厥深者熱深大承氣湯若誤作寒証而投熱藥是抱薪救火矣傷寒陰厥者是因三陰血分自受寒邪初病無身熱頭痛就便惡寒四肢冷過肘膝引衣蹇卧或腹痛吐利小便清白或戰慄面如刀刮口吐涎沫脉沉遲無力此陰証也又有病自三陽傳入三陰久而變寒者亦陰厥也輕者理中湯甚者四逆湯且夫人之手足乃胃土之末凡脾胃虛

熱手足必熱有寒手足必寒此理之常至于亢極反成兼化此又病形之變也故凡厥無脉可診未辯其為陰陽者且與理中丸加甘草一倍試之若陽厥便當見出熱証陰厥則無熱証矣此法記之

汪子良內外厥論曰素問云盛則瀉之虛則補之不盛不虛以經取之靈樞引此以言人迎寸口經刺之法難經引此以言子母本經補瀉之方而王氏真邪相持之註尤別夫聖人之言所該

自廣固可推而無不通然此段屬之六經厥狀  
 病能之下而意實兼承上文寒熱之厥而著其  
 所以治之之法故盛則瀉之言熱厥也虛則補  
 之言寒厥也皆主內傷不虛以經取之言六經  
 厥狀此主外感按經有言熱為有餘寒為不足  
 寒熱盛衰之別久矣而人之一身臟腑咽喉之  
 類屬內經脈四肢皮膚頭項之類屬外故內傷  
 之治在臟腑外感之治在經絡不可紊也觀上  
 文云熱厥之故因酒入內氣薄于脾胃酒氣慄

悍腎氣獨衰陽氣獨盛故手足為之熱矣陽挾  
 酒毒鬱而為熱非盛而何故其治當瀉陽氣之  
 有餘也又觀上文云寒厥之故因秋冬勞傷脾  
 胃陽虛不能滲營其經絡陽氣獨損陰氣獨存  
 故手足為之寒也陽為陰搏痞而為寒非虛而  
 何故其治當補陽氣之不足也此二治者皆主  
 內傷也非因內傷則臟腑之內無盛虛之分由  
 外感邪氣客于經脈之間須審兼其經之証則  
 取其經隨病盛衰而施補瀉也如腫首頭重足

不能行發為眴仆者取之太陽如旃急牽心痛  
引腹者取之太陰之類是知此則聖言各有所  
指而意亦可以觸類而通矣

有人冒犯不正之氣忽然手足逆冷肌膚粟起頭  
面青黑精神不守牙緊口噤昏不知人頭旋暈  
倒者此尸厥也凡弔死問喪入廟登塚飛尸鬼  
擊多有此病急以蘇合香丸灌之候稍甦省以  
調氣散合平胃散治之名調氣和胃散一法急  
用姜汁半盞酒半盞煎沸灌之灸百會四

壯氣海丹田二三百壯竟體暖即止後以陰毒  
法治之此臟氣虛寒之証也世俗不識多作中  
風而治鮮不斃矣靈樞云邪客于手足少陰太  
陰足陽明之絡此五絡皆會于耳中上絡左角  
若臟氣相刑或外邪相忤則氣遏不行五絡俱  
絕諸脉伏匿令人身脉皆動而形無所知其狀  
若尸故名尸厥昔扁鵲治魏太子之尸厥針三  
陽五會而愈正此謂也

有人七情內傷卒然氣逆身冷僵仆牙關緊急痰

涎潮壅昏不知人者此氣厥也凡忿怒太甚多有此病勿悞作中風而用疎風散之藥急以蘇合香丸灌之候省以八味順氣散或木香調氣散調降其氣自然平復有痰者以四七湯加南星木香治之然暴厥不知人有不治自愈者昔宋仁宗最寵貴妃一日食次忽仆倒遍身卒冷急召孫尚杜任至奏曰不妨此氣厥耳少頃吐即復甦御坐良久果而甦上問因何而得二人並奏曰貴妃不... 怒氣上與命相并其...

此吐即氣通故復甦也素問云厥或令人腹滿或令人暴不知人或至半日遠至一日乃知人者陰氣盛于上則下虛下虛則腹脹滿陽氣盛于上則下氣重上而邪氣逆逆則陽氣亂陽氣亂則不知人也又云血之與氣并走于上則為亂則不知人也又云血之與氣并走于上則為大厥厥則暴死氣復反則生不反則死者是也厥因氣虛而得者其脉細小宜四君子湯加黃芪附子○因血虛而得者脉洪大宜四物湯加酒炒黃柏知母○因氣血兩虛而得者宜十全大

補氣血加附子○有吐衄不知人而厥者此血厥也治之無論其脉急用芎歸養榮湯十全大補湯或獨參湯以救之○厥因飲酒而得者宜二陳湯加黃連梔子乾葛青皮或葛根解醒湯加減治之

有人醉飽之後或感風寒或着惱怒忽然厥逆昏迷口不能言肢不能舉者此食厥也蓋食滯胸中陰陽痞隔升降不通故生此症若誤作中風而用祛風散氣之劑則胃氣重傷死可立待宜

煎姜塩湯探吐其食後以平胃散加茯苓白朮麥芽半夏之類調理若有風寒尚在者以藿香正氣散解之氣滯不行者以八味順氣散調之有小兒手足搐搦而發厥者此風厥也宜加減續命湯

五色篇雷公曰人不病而卒死何以知之黃帝曰火氣入于臟腑者不病而卒死矣雷公曰病小愈而卒死者何以知之黃帝曰赤色出兩顴大如拇指者病雖小愈必卒死黑色出于天庭大

如拇指必不病而卒死

姜附湯

乾姜炮 附子 水煎涼服

星香散

南星錢四 木香臨熟磨五分 姜三片水煎服

順元散

木香磨五分 川烏炮 南星錢二 附子炮一錢 姜三片

水煎服

甘淡湯

南星 半夏 枳實 橘紅 赤茯苓 甘草

炙姜三片水煎服

調氣和胃散

白豆蔻 木香 丁香 檀香 藿香葉

砂仁 甘草 蒼朮 厚朴 陳皮 水煎服

八味順氣散

白朮 茯苓 青皮 陳皮 人參 白芷

烏藥 甘草 水煎服

木香調氣散



木香 藿香 丁香 檀香 白芷 菖 砂仁  
甘草 為末沸湯入鹽少許點服二錢

芎歸養榮湯

當歸 川芎 白芍藥 熟地黄 黃柏  
知母 人參 枸杞子 麥門冬 甘草

水煎服

加減續命湯

防風 防已 人參 黃芩 白芍藥 川芎  
甘草 麻黃 杏仁 桂枝 附子 炮

水煎服

右方太陽無汗去桂枝附子有汗  
去麻黃杏仁陽明無汗加石膏  
知母 有汗加葛根黃芩

傷寒病有胃中虛寒蛔虫攻胃而手足厥冷口吐  
清水或吐蛇者此蛔厥也宜理中湯加炒川椒  
檳榔煎吞烏梅丸如不止用烏梅川椒黃柏煎  
服蓋蛔見酸則安見辛則伏見苦則不取動也  
烏梅丸

烏梅 二枚 十枚 細辛 附子 炮 人參 黃柏 桂枝  
錢五 乾姜 錢八 黃連 三錢 當歸 川椒 錢二

右末以醋浸烏梅取肉蒸爛杵膏加煉蜜和  
丸每十五丸食前服

四逆散

甘草炙

柴胡

芍藥

枳實

等分

為末白湯調服方寸七日三服

蘇合香丸

治厥

方見氣門

論吐法

王海巖曰病有當吐而不可吐者如尺中脉按之  
有力則當吐之若尺中按之無力不可吐也

力則陽氣下陷于陰中為陰中所遏故吐之使  
陽氣得上升而復其平也

綱目論病不可吐者有六病勢劇甚老弱氣衰者

不可吐吐不止則亡陽血虛者不可吐諸吐血

嘔血咯血衄血嗽血血崩失血者皆不可吐病

人無正性妄言妄從者不可吐主病者不辨邪

正之說不可吐性行剛暴好怒喜淫之人不可吐

張子和曰凡涌後有頓快者有徐快者有反悶者

悶者病未盡也有反熱者不可不下也大抵三

日後無不快者凡下不止者以冰水解之凡藥  
熱即行寒即止

生生子曰經云上部有脉下部無脉其人當吐不  
吐者死王海藏謂尺脉按之無力不可吐非與  
經背也經云下部無脉者謂病人當其正吐之  
時氣脉皆上逆而下虛是言病勢脉勢也若其  
人不吐而脉不至于尺乃腎經之原氣絕矣故  
云下部無脉者死也海藏謂尺脉按之無力不  
可吐者是言治法也 凡尺脉有力則腎間有

原氣當吐去其邪則安矣若尺脉無力是腎陰  
已虛吐則復傷其陽陰陽俱虛必致顛蹶故曰  
尺脉無力者不可吐也經言其病王言其治也

茶調散 一名二仙散

瓜蒂不以多少好茶中停 右細末每二錢  
薑汁調下空心服

獨聖散

瓜蒂不以多少為細末每一二錢薑汁調下服  
之脇痛加全蝎 頭痛加蔚金

碧雲散 治小兒驚風有涎

膽礬

兩半

銅青

分一

粉霜

錢一

輕粉

分一

右細末每一字薄荷湯下

中風以漿水調

終



